

## ՅԱԻԵԼՈՒԱԾ „ԱՐԱՐԱՏԻ“ 1903 Թ. ՕԳՈՍՏ—ՍԵՊՏ.

## 2.

2-ր Ձ 613,50 [= Կարին. 599] ժողովածու  
աղօթքների, ճառերի, տեսիլքների, կաշեկազմ,  
փոքրադիր, 8×12,5, թուղթ, բուրբղիք, դանա-  
զան գրչներից: Գրքի հնագույն մասը էջ 9<sup>m</sup>—  
190<sup>p</sup> մի գրչից, գեղեցիկ և վարժ բուրբղիքով,  
շատ տեղ երկաթազրի հեաքերով. ամենայն  
հաւանականութեամբ ընդօրինակուած երկաթա-  
գրից: Տեղն և թուականն անյայտ: Մեղ հետա-  
քերքող մասն էջ 12<sup>m</sup>—23<sup>m</sup>:

V=Յովհան Մանդակունու մատենագրութիւնք,  
երկ. ապագ. Վենետ. 1860, էջ 216—219:

[2. էջ 12<sup>p</sup>—16<sup>p</sup>]

## ԽԱԻՍՔ ՅՈՎՀԱՆՆՈՒ ՄԱՆԴԱԿՈՒՆԻՈՅ

Սրա՛ս եւ գովութիւնն նգնաւորաց եւ յանդիմա-  
նութիւն ծուլից եւ արհամարհողաց զպատուիրանս  
Աստուծոյ:

5 Առն՝ մանդանի ուսելոյ և իմաստնոյ, որ ունի զգի-  
տութիւն որոշողութեան, որոշել զչարն ի բարւոյն, ա-  
ներկեան պահել զանձն յամենայն իրաց չարաց: Եւ  
չարիքն այս են: Եթէ յանկարծ երբեք ուրեք խարե-  
ցաւ և անառակեցաւ և տարածամ՝ եկեր և արբ, և  
40 կամ՝ ևթէ ժամ մի դատարկ անցոյց ի կեանս իւրում,  
և կամ՝ թէ բան մի դատարկ խաւսեցաւ յաւուրս իւր-  
Սակայն վասն այնր պարտի զցայդ լալ և զղջանալ, և  
առ վաղիւն զգուշանալ մտաց իւրոց, և վարժել զանձն-  
իւր, և նահանջել զցոփութիւն լեզուի իւրոյ, և կա-  
45 ցուցանել զմիտս ի հաստատութեան և ի բնութեան իւ-

2. 12. մանդակունոյ 62. անարկեան 122. վասն այլն  
2. զցագ.

լում, զի մի դարձեալ նովին բժով ծուլացի և խարեացի, և լինիցի սովորութիւն կրթութեան իւրեանց: Զորս ապա մեծաւ աշխատութեամբ ոչ կարացէ հանել զարմատացեալ բիծ անձին իւրոյ, այլ անցեալ ըստ այս  
 20 երիս մեղանս առն մոնողոնի՝ աւելի քան զայս եթէ մեղանչէ՝ նա իբրև [զիս] անխմաստ և բաղմամեղ է և ամենաթշուառ:

Զի մերժեցաք յայսմանէ և հեռացաք յայնմանէ, թողաք զայս և չառաք զայն, ելաք յայսմանէ և չհառաք  
 25 այնմ:

Արդ՝ մոնողոն, որ հացիւ և ջրով յագի, և քնով զմայլի և զանձն առ մոնողոն ունի, նա որպէս զիս անմիտ է և հպարտ, վասն զի ոչ կարէ գիտել զբիծ անձին իւրոյ: Քանզի ի գործ և ի գիտութիւն կոչեցաւ  
 50 մարդ, իմանալ զլաւն և առնել զբարին, որոշել զչարն ի բարւոյն:

Արդ՝ կրաւնաւոր, որ ճաշէ և ննջէ, քան զայն անառակութիւն ինչ ոչ կայ, քանզի Լիութիւն կենաց զփառասիրութիւն և զպոռնկութիւն ուսուցանէ, և կարաւ  
 55 տութիւն կենաց զխոնարհութիւն կարապետէ: Մի կշռեր զքեզ առանց մեղաց, վասն զի ասէ՝ Սուտ են որդիք մարդկան և ի կշիռս իւրեանց մեղանչեն: Մանիք և տես նախ զքեզ, եթէ որոց ակտից յաղթեցեր և մերժեցեր ի քէն, և ապա ունիս համարձակութիւն  
 40 առ Աստուած:

Զի համարձակիս, քանզի չես մտեալ ի լուծ կրաւնաւորական կարգաց: Զի փառասիրես, քանզի չես անցեալ ընդ նեղ և ընդ նուրբ ճանապարհն, որ տանի ի կեանս: Զի բարձրամտես, քանզի չես անցեալ յաս  
 45 պարխի տուրեասիկ մրցանակի փորձութեան: Զի մեծամտես, զի չկարացեր հրաժարել յաշխարհէ և առնել զբոյն քո յանապատի և լինել աղաւնի անապատա-

172. ի ըսանց— ի ըբեանց? 232. հեռեցաք 272. մոնողն 312. ի բարւոյն 332. կա 382. եթէ ոտոց 142 2. կարգելք

սէր: Որ երկրպարաց թեաւքդ կոչնոց ի կոչունս ազու-  
 ւացեալ շրջիս, իբրև զանստացուածսն անապատական  
 30 լեռնէ ի լեռն թռչիս: Զի հպարտանաս թանակեր բերա-  
 նովդ իբրև զհանապազորդ զճարակաւորսն, որք ի լերինս  
 անցուցանեն զաւուրս իւրեանց խոտարոյծ ոռոկաւք:  
 Քաջաց յստակ են միտք ջրարբուաց և առողջ մարմինք  
 խոտակերաց:

35 Զի պարծիս, որ հանապազ յագեալդ ես հացիւ և  
 ջրով և զմայլեալ քնով և դատարկութեամբ, քանզի  
 ասէ, թէ Զգործող ձեռաց՝ անկեր բերան: Զի խորխո-  
 տիս, քանզի դատարկակեացք չունին համարձակու-  
 թիւն առ Աստուած:

60 Դատարկութիւն առիթ անկման ի ձեռն ակտից,  
 չլինելոյ ընդունելական աղաւթից նորա: Աղաւթք դա-  
 տարկաց՝ դատախազ անձանց, և աղաւթք մշակաց՝  
 բարեխաւս աշխարհի, և քրտունք աշխատողաց՝ բժիշկ  
 անձանց և աղաւթք նոցա հաճոյ Աստուծոյ: Որպէս ա-  
 65 սէ՝ Զվաստակս ձեռաց քոց կերիցես, երանի է քեզ և  
 բարի եղիցի քեզ:

70 Զի փառասիրես, որ չև ևս ես հաստատեալ զմիտս  
 քո սիրով, սրբութեամբ և խոնարհութեամբ: Մի խա-  
 բիր ի մտաց քոց, զի չես հասեալ ի կէտ կատարեալ  
 70 ջանիւ և աշխատութեամբ: Զինչ ունիս զոր ոչ աշխա-  
 տեցար, և եթէ աշխատեցար՝ զի՞ պարծիս իբրև զչաշ-  
 խատեալ:

75 Զիք ոք որ կարգայ և ի միտ առնու, և ոչ գոյ,  
 որ ուսանի և առնէ: Զիք ոք հոգևոր, և ոչ գտանի  
 անապատասէր:

Հրաժարեցաք յաշխարհէ և չհրաժարեցաք ի ստա-  
 ցուածոց: Հրաժարեցաք ի ծնողաց և չհրաժարեցաք  
 ի ծանալթից: Հրաժարեցաք ի կենաց, և չհրաժարեալք  
 ի տանտիկնաց: Հրաժարեալք ի տանց, և չհրաժարեալք

572. Զի խորտխո—խրտխտիս 73 2. կարգա 79 2. ի տանդիկնաց  
 2. չհրաժարեալք

80 Ի դրաց: Հրաժարեալք յանապատաց, և չհրաժարեալք  
 յիշխանաց: Հրաժարեալք ի հարկաց, և չհրաժարեալք  
 ի բանակաց: Հրաժարեալք ի հողոց և չհրաժարեալք  
 ի խորհրդոց: Հրաժարեալք ի կենաց և չհրաժարեալք  
 ի մեղաց: Հրաժարեալք ի լերանց, և չհրաժարեալք  
 83 ի հրապարակաց: Հրաժարեալք ի ճարակաց, և չհրա-  
 ժարեալք ի բազմականաց: Հրաժարեալք ի սահոց, և  
 չհրաժարեալք ի կոչնոց:

Ի հանդիսի վատաց բազումք անցանեն և ի հան-  
 դիսի կրանաւորաց սակաւք: Յասպարիսի [...] բազումք  
 90 անցանեն և յասպարիսի վարուց սակաւք: Զգիւտ բանից  
 բազումք ունին, և զգիւտ մտաց սակաւք: Զգիւտ մարմ-  
 նոյ բազումք ունին և զգիւտ հողւոյ սակաւք, ըստ բա-  
 նին տեառն, եթէ Բազումք են կոչեցեալք և սակաւք  
 են ընտրեալք:

93 Հոգմ սաստիկ ոչ կարէ շարժել զծառ հաստատուն,  
 և ախտ ձանձրութեան զմիտս հաստատունս: Միտք ձան-  
 ձրրկիտ իբրև զծովու ալիս յածեալ ծփին, և աչք նո-  
 րա զտեսաւղս խնդրեն: Ախտ ձանձրութեան կերիչ է  
 սրտի, գերիչ է մտաց: Յաւ խորհրդոց արգելիչ է կա-  
 400 մաց, խափանիչ է յաւժարութեան: Խստագոյն [է] ցա-  
 սումն քան զցաւս մարմնոյ:

Արդ՝ այսու գիտացիր զառողջութիւն առն վանա-  
 կանի, յորժամ զտեղի ունիցի և բնաւ ամենևին չան-  
 ցուցանիցէ ժամ մի դատարի, այլ սաղմոսէ, աղաթէ,  
 405 կարդայ, գրէ, սուսանի, ուսուցանէ, կարէ, կարկատէ,  
 արբանեկէ, և լինի իբրև զծառ հաստատուն ի միում  
 վայրի, և տայ զպտուղ իւր ի ժամու անթափ տերևով:

Արդ՝ երանեմ լեռնակեցացն հանապազորդաց,  
 որք հրաժարեալ են յաշխարհէս, հեռացեալ ի ստա-  
 410 ցուածոց, արձակեալ ի կանանց, ազատեալ ի տանակ-  
 նաց, զատեալք յիշխանաց, մեկնեալք ի հարկաց, աւ-

91 2. զգուտ 92 2. զգուտ հողոյ 98 2. խնդրեն 99 2. ցաւք  
 102 2. վանական 103 2. զմի տեղե, «մի»ն ջնջման կէտով: 105 2.  
 Կարդա 107 2. տա 108 2. հանապազորդոց

տարացեալ ի բանակաց, արտաքսեալք ի տերանց,  
որոշեալք ի հողոց, քեցեալ ի խորհրդոց, մաքրեալ  
ի չարին սերմնացանութենէ, սրբեալ ի մեղաց և լեալ  
415 անստացուած, ունելով զմիտս իւր[եանց] ...

(Թուղթ ընկած, մնում է թերի):

1132. սւրոշեալք 1142. սերմամնացութենէ [—սերմամնաց-  
ցութիւնկամ սերմնացանութիւն]: 73—114 Այս ճառի մասն է՝  
ուրիշ խմբագրութեամբ և նոր հատուածներով V-ի մէջ հե-  
տեւեալը.

«Վասն վարդապետաց: Ոչ գտանի վարդապետ խոնարհ և  
ոչ աշակերտ հնազանդ. ուսեալն հպարտանայ և ազէտն խստա-  
նայ. չիք որ որ իրաւամբ վարի, և ոչ որ որ արդարութեամբ  
կայ. դիտունն սնափառի և ազէտն փառասիրի. դիտունն չխո-  
նարհի և ազէտն չհնազանդի. ծերն սաստելով հրամայէ և փոքրն  
սաստիութեամբ պատասխանէ. ծերն զպատիւ խնդրէ և փոքրն  
զհանգիստ. չիք որ որ իմանայ և չիք որ որ ուսանի և առնէ.  
չիք որ որ ոգեսէր է և չիք որ որ անապատասէր է. հրաժար-  
եալք յաշխարհէ և չհրաժարեալք ի ստացուածոց. հրաժարեալք  
ի ծնողաց և չհրաժարեալք ի ծանօթից. հրաժարեալք ի հողոց  
և չհրաժարեալք ի խորհրդոց. հրաժարեալք ի հողոց և չհրա-  
ժարեալք ի մեղաց. հրաժարեալք ի լերինս և չհրաժարեալք ի  
հրապարակաց. հրաժարեալք ի պահս և չհրաժարեալք յըմպո-  
ղաց: Եւ արդ բազումք են կոչեցեալք և սակաւք են ընտրեալք:

Արդ զոր օրինակ եկեղեցին կոչեցաւ քահանային, և չէ օրէն  
նմա այլ կին ունել՝ բայց ի միոջէն. զի եթէ աշխարհականին  
չհրամայէ երկու կանայս ունել՝ այլ մի, ինա յարել, զնա սիրել,  
նովաւ կեալ, զի այս է հրաման տեառն. և դարձեալ հողին ա-  
մուսին կոչի, և զեկեղեցին ամուսին կոչէ, արդ նոյն օրինակաւ և  
վանականին վանքն կոչի, զվաներն եկեղեցւոյն է ծնեալ. քանզի  
ասէ առաքեալ թէ գլուխ կնոջ՝ այր է, և փառքն կնոջ՝ այրն, և  
օրէնք կնոջ՝ այրն: Արդ յորժամ վանաց երէցն գլուխ և փառք  
և օրէնք վանացն իցէ, ի տեղւոջն կացցէ և տեսցէ զժողովուրդ  
իւր. զի թէ դու որ առաջնորդ ես՝ ոչ կաս ի կայի, այլոց զի-  
մրդ կարես ասել թէ կաց ի կայի, երկիր ի տեսանէ և հնա-  
զանդէ՝ ասաուծոյ վարդապետաց: Արդ որք զիւրեանց անձանց  
զտառն չկարեն հաւատտեալ պահանջել, զիւրեանց անձինս  
արձակ համարձակս արածեն, զայլոց անձինս նդովիւք հաշն և  
մաշեն. ինքեանք երիվարաւ սատանայիւ զհետ տերանց և տիկ-  
նաց յածեալ ծիին, ե ի կրօնաւորաց և ի վանականաց իբրև  
յանարդաց գարշին և խորշին. չկարէ որ երկուց տերանց ծա-  
ռայել: »

3-

[ԼՁ 17<sup>ա</sup>—23<sup>ա</sup>]

Նորին ի նոյն գրոց.

Արդ՝ են վանականք, որ դիտեն զխորհուրդս մտաց իւրեանց և դիտութեամբ որոշողութեամբն և հանապազ հարթիկ վաստակաւքն յաղթեն նոցա. աստ փառաւորին և անդ պսակին: Եւ են վաստակաւորք, որ տղիտութեամբ և անորոշողութեամբ խորհրդաւք վարին, խառն ի խուռն վաստակին, երբեմն թուլանան և երբեմն պնդին, աստ տանջին և անդ: Են վաստակաւորք, որ կեղծաւորութեամբ, փառասիրութեամբ, հրպարտութեամբ և խիստ վարուք ասորերէն հարկանեն զմարմինս իւրեանց. աստէն ի վաստակոցն տանջին և անդ ի տերունական պատուհասէն:

Են մանողոնք, որ ի սկզբանն յաղթեն ախտից իւրանց և ի վախճանին յաղթին, առնուն և ոչինչ: Եւ են, որ ի սկզբանն յաղթին և ի վախճանին յաղթեն և առնուն ընդ միջինսն: Եւ են, որ ի սկզբանն յաղթեն և ի վախճանին, և առնուն ընդ առաջինսն: Մոնողոն յորժամ յաղթէ խորհրդոց իւրոց և հալածէ զբիծ յանձնէ իւրմէ, յայնժամ լինի ծանաւթ տեառն, և առնու շնորհս ի տեառնէ, և ունի համարձակութիւն մատուցանել զաղաւթս իւր տեառն:

Արդ՝ որ հարթիկն վարին՝ նորա ի սկզբանն յաղթեն և ի վախճանին զողբան շինեն և զմարմինն առողջ պահեն: Իսկ որք երբեմն պնդին և երբեմն թուլանան ի սկզբանն յաղթեն և ի վախճանին յաղթին. նորա

3. 3 2. աւրոշողութեամբն 42. զհարթիկ 10 2. նախապէս այսորերէն յիսոյ 1-ն փեռուած—ասորերէն 22 2. հարկ տողամիջում ին—հարկին, որ ուղղում եմք հարթիկն

զմարմինն հաշեն և զոգին կորուսանեն:

Արդ՝ ոչ խիստ վարուք հաշել զմարմինն և հպարտացուցանել զմիտսն և զաւրացուցանել զախտս շնչոյն փառասիրութեան, և [ոչ] թոյլ վարուք լցուցանել և  
50 պարարել զախտս մարմնոյն և կուրացուցանել զլուսաւորութիւն գիտութեան շնչոյն: Քանզի Մարմին լցեալ՝ զմիտս սուրբս ոչ կարէ ծնանել:

Արդ՝ հարթիկն վարել այս է, ոչ շարաթ հանել և ոչ հասարակել, այլ զամենայն աւր յինն ժամուն՝ և  
55 զայն՝ սակաւ ուտել և սակաւ ըմպել: Սակաւ ի քուն լինել, սակաւ խաւսել, սակաւ շրջել: Քանզի յաւելորդաց անտի լինի մուտ չարին, որով կարէ թշնամին մուտ գտանել ի միտս մարդկան և խաբել զնա թոյլ և խիստ վարուք: Քանզի կշռութիւն վարուց չունի խաբումն մտաց: Քանզի ուղղութիւն վարուցն ունի զսրբութիւն հոգւոյն և կշռութիւն կենացն բերէ զառողջութիւն մարմնոյն:

Արդ՝ զոր աւրինակ առնիցէ որ ճաշ առն պատուականի և առնիցէ զխորտիկան աղի կամ անլի, կամ  
45 հում կամ կարի եփեալս, և ոչ ունի զկշռութիւն անուշութեան, ոչ ապաքէն անարգեցաւ ճաշն և ճաշատէրն առ ի չլինելոյ անոյշ խորտկացն: Նոյնպէս և կրահաւորութիւն, եթէ ոչ տանի զվարսն ուղիղ ի կէտ կատարմանն, անհնար է նմա առնուլ զհաստատութիւն  
50 մտացն և սրհել սրբութեամբ և լինել խաղաղութիւն հոգւոյն և առողջութիւն մարմնոյն:

Արդ՝ զայս հայցեա ի տեառնէ, եթէ Մի տար ինձ վարս խիստ[ս], զի մի հպարտացայց, և մի տար ինձ վարս թոյլս, զի մի մեղայց. այլ տուր ինձ վարս մի-  
35 ջինս, որով կարացից մտանել ի կշիռս արդարութեան, բառնալ զլծակն կշռորդացն սաուգութեամբ և առանց

29 2. լցուցանէ 30 2. պարարէ 2. կուրացուցանէ 33 2. նախապէս հարկ, յետոյ կենր բերուած եւ նոյն գրչով ուղղուած հարթիկն 2. վարեալ 41 2. հոգոյն 48 2 ուղեղ բերուածֆներով. 51 2. հոգոյն

յաջ և յահեակ սայթաքելոյ երթալ ընդ պաւղաւտայ պատուիրանացն տեառն և ամբողջ մտաւք հասանել ի կէտ կատարմանն սիրով, սրբութեամբ և խաղաղու-  
 60 թեամբ:

Քանզի յառաքինութենէն ծնանին ախտք շնչոյն և ի վատթարէն ծնանին ախտք մարմնոյն:

Արդ՝ որչափ մարդ շնորհաւք Աստուծոյ վարէ զանձնն, եթէ ի հոգևորական և թէ ի մարմնաւորական, նոյնքան և  
 63 փառասիրութեան ախտքն շնչոյ [աճ]են: Յառաքինութե-  
 նէ անտի ծնանի և ընդ առաքինութիւն պատի, որպէս զգաղձ զծառով, ընդ նմին աճէ և ընդ նմին զաւրա-  
 նայ և ընդ նմին զիջանէ, Վասն զի ի մանկութեան՝  
 մարմնոյ ախտքն կռուին ընդ մարդոյն և յաւագու-  
 70 թեան՝ ախտքն շնչոյն վարեն զմարդն: Որքան նա կասե-  
 ցաւ յառաքինութենէն, նոյնքան կասեա և դու զփա-  
 ռասիրութիւն:

Արդ՝ լաւ է քաջանալ մարդոյն և ընդ միում կողմանն կռուել, քան թէ վատանալ և ի՞ յերկուց կողմանցն  
 75 տանջել:

Բայց վարք վանականացն կրաւնաւորաց և արդա-  
 րոց այս են: Նախ հրաժարել յաշխարհէս և յընչից աշ-  
 խարհիս, ի հաւրէ, ի մաւրէ, ի կնոջէ, յորդոց, յեղ-  
 բարց, ի քերց, յազգէ, ի տոհմէ, ի սիրելեաց, ի բա-  
 80 րեկամաց, ի ծանաւթից, ի գեղջէ: Եւ շինել վանս յա-  
 նապատի, ուր ջեր և ջուր և փայտ շատ: Եւ առնել  
 գրաստս երկուս, արբանեակս վանացն: Եւ արուեստ  
 ունել և ուտել զվաստակս ձեռաց իւրեանց, և չառ-  
 նուլ զուրուք ձրի, և հատուցանել իւրաքանչիւր ումեք  
 85 զպարտս և զպատիւս և զերախտիս հոգևորականս,  
 բանիւք և արդեամբք, հեռաւորաց և մերձաւորաց:

57 2. պաւղատա տողամիջում և—պաւղատա—պողոտայ: 69 2. աւագութեան 77 2. յաշխարհէս 2. յընչից, ըբբ քերուած 78 2. յորդոց 82 2. արուեստուկել—արուեստ ունել? և—ն:

Եւ բնաւ ամենեւին չդտանել ումեք պարտական, ար-  
գարոց եւ մեղաւորաց: Եւ անխափան վարել զկրաւնա-  
ւորութիւն եւ զկանոն վանականացն, զտուրնջեան  
90 եւ զգիշերոյ: Եւ տանել զվաստակս իւրեանց ի կէտ  
կատարմանն խաղաղութեամբ եւ առանց մեղացն, ան-  
բիծ, անարատ ընթանալ ի կեանս անմահս, զոր պատ-  
րաստեալ է այնոցիկ, որ խաղաղութեամբ արժանի  
լինցին ժառանգել զնա:

95 Նոյն արինակ եւ աշակերտացն լինել հնազանդ-  
վարդապետին եւ միմեանց, եւ հաստատուն մտաւք կեալ  
եւ մեռանել ի միում վանս եւ առ միում վարդապետի,  
եւ ամենայն իրաւք կատարել զաշտիճան աշակերտու-  
թեան իւրեանց: Եւ չառնել իրս ինչ առանց կամաց  
100 աւագին եւ եղբարցն, եւ առնուլ զաւրհնութիւն ի վար-  
դապետէն: Եւ ապա յետ վախճանելոյ առաջնորդին  
իւրոյ, յիւրում ժամու եւ յիւրում կարգի լինել նմա  
վարդապետ եւ առաջնորդ եղբարցն: Եւ զոր արինակ  
նա յայլոց աւրհնեցաւ, նոյն արինակ եւ այլքն նմա  
105 հնազանդին եւ աւրհնին ի նմանէ: Եւ նա այնուհետեւ  
կատարեալ վարուք եւ լի աւրհնութեամբ յառաջնոցն եւ  
ի վերջնոցն, երթայ ի հանգիստն իւր խաղաղութեամբ,  
սիրով ի կեանս բնականս:

Արդ՝ կացցեն այլ հիւրք սուրբք եւ պատուականք  
110 քան զհիւրսն Աբրահամու երանելոյ, եւ կամ հիւրա-  
մեծար լաւ եւ աւտարընկալ բարի քան զԱբրահամ՝ ար-  
գար, որ թէպէտ եւ յոյգ աւուրս իբրև զաշխարհավար  
ըստ արինաց աշխարհի ի հասարակ աւուր ճաշէր, սա-  
կայն այնաւր առանց ճաշելոյ եկաց մնաց մինչև յերե-  
115 կոյն:

Արդ՝ աղէ, ասա ինձ զլաւն, այն ինչ արդեաւք  
լաւագոյն պատիւ էր հիւրոցն, եթէ ճաշակեալ էր ընդ  
նոսա, եթէ այն, զի առանց ճաշակելոյ երկիւղածու-

872. ամենեւին 882. վարեալ 932. արժան 1022. յորում  
կարգի 1072. երթա 1092. հուրք 1112. աւտարընկալ 2. պա-  
տուէր=պատիւ էր sku snq 137: 117 2. ճաշակել էր

Թեամբ եկաց ի սպասաւորութիւն նոցա Տինա, և  
 420 հիւրքն շատիպեցին զնա ճաշակել ընդ իւրեանս Ընդէր  
 արդեաւք. — առ ի լինելոյ ճաշ նոցա կարգ աւրինակի  
 հիւրոց և ասպնջականաց ամենայն հաւատացելոց: Քան-  
 զի տեսին հաւատով հաստատեալ զսիրտ նորա, և յու-  
 սով գործէր զգործն Աստուծոյ:

425 Արդ՝ գտանիցին արդեւք ի յերկրի այլ վանականք  
 խոնարհք, գիտունք և կրանաւորք հիւրամեծարք և  
 աւտարընկալք իբրև զվանականն Երուսաղէմացւոց,  
 զԵգիպտացւոցն, զՀոռոմոցն, որք ոչ կանոն զկրանաւո-  
 րական վանականացն լուծանեն, և ոչ զհիւրասիրու-  
 450 թիւնն աւտարընկալութեան խափանեն: Քանզի որչափ  
 և աշխարհս շէն կայ, հիւր ի վանաց ոչ պակասէ:

Արդ՝ որչափ հիւրքն ի վանսն գան և վանականքն  
 տարածամ ճաշակեն, նորա երբեք ոչ վարեն զկարգ  
 վանականաց, քանզի ոչ պակասէ հիւր ի վանաց:

455 Արդ՝ զտարածամ ճաշակելն վասն հիւրոցն՝ համա-  
 րին առնել զկամս Աստուծոյ, այլ ոչ այդպէս: Քանզի  
 հիւրոց պատիւ այս է, յորժամ գայ՝ ճաշեսցէ, և յոր-  
 ժամ գնայ ճաշեսցէ, և եթէ մնայ ժամու՝ ընդ եղբարս  
 ուտիցէ կրանիւք: Եւ ոչ այն՝ եթէ տարածամութեամբ  
 440 անառակութեամբն նա մեծարեսցի, այլ պիտոյիւք և  
 կարգաւք ըստ կամացն Աստուծոյ: Քանզի շրջողք և  
 անառակք ոչ ինքեանք կան ի կարգի և ոչ այլոց տան  
 վարել զկանոն կրանաւորութեան վանականաց:

Արդ՝ առաքինութիւն մարդոյ այս է, յորժամ  
 445 զերկոսին աչսն լուսաւոր պահէ: Իսկ եթէ զմինն շի-  
 ջուցանիցէ և զմիւսն ունիցի, զինչ աւգուտ իցէ: Տուք,  
 ասէ, զկայսերն կայսեր և զԱստուծոյն] Աստուծոյ: Ա-  
 պարէն Ըստ աւետեացն և աւետչայն:

Արդ՝ եթէ կամեսցի ոք իրս ինչ հոգևորական առ-

127 Ձ. աւտարընկալք 2. եմացւոց 129 Ձ. զհիւրսիրութիւնն  
 131 Ձ. կա 137 Ձ. պատու 2. դա 138 Ձ. մնա 148 Ձ. աւետ-  
 չայն—աւետչայն—աւետչեայն:

430 նել, պարտ է նմա նախ զիրան քննել, եթէ իցեն հա-  
 ճոյ Աստուծոյ եթէ ոչ: Ապա եթէ չիցեն հաճոյ Աս-  
 435 տուծոյ իրքն, աւրէն է նմա թողուլ զիրան և ոչ եր-  
 թալ ընդդէմ կամացն Աստուծոյ: Զի յիրս, յորում  
 սէր և սրբութիւն և խաղաղութիւն ոչ է, այն իրքն  
 435 Աստուծոյ հաճոյ ոչ են:

Արդ այսու գիտեա զիրան զոր կամիս առնել, եթէ  
 իցեն հաճոյ՝ նախ քան [. . .] առողջութիւն շնորհեն և  
 զիրան առաջի քօ յաջողէ:

Ապա եթէ դժուարաւ, աղաղակաւ և խռովու-  
 460 թեամբ լինի, գիտացիր զի ոչ են կամք Աստուծոյ. այլ  
 հրասատակեա զսատանայ երեք նետաւքս այսոքիւք՝  
 սիրով և սրբութեամբ և խաղաղութեամբ, և դու կաց  
 մնա ի սէրն Քրիստոսի, զի այն է բարին, հաճոյն և  
 կատարեալն առաջի տեառն մերոյ Յիսուսի Քրիստոսի,  
 465 որում փառք այժմ և յաւիտեանս, ամէն:

